

SULIT
02/1
Bahasa
Melayu
Kertas 1
Ogos
2013
1 jam

02/1



MAKTAB RENDAH SAINS MARA

**PEPERIKSAAN PERCUBAAN
PENILAIAN MENENGAH RENDAH 2013**

BAHASA MELAYU

Kertas 1

1 jam

JANGAN BUKA KERTAS SOALAN INI SEHINGGA DIBERITAHU

1. *Kertas soalan ini mengandungi 40 soalan.*
2. *Jawab semua soalan.*
3. *Tiap-tiap soalan diikuti oleh empat pilihan jawapan, iaitu A, B, C dan D. Bagi setiap soalan, pilih satu jawapan sahaja. Hitamkan jawapan anda pada kertas jawapan objektif yang disediakan.*

Kertas soalan ini mengandungi 19 halaman bercetak dan 1 halaman tidak bercetak

Soalan 1 – 7

Lengkapkan ayat-ayat yang berikut dengan memilih jawapan yang paling sesuai.

Soalan 1 berdasarkan gambar di bawah.



- 1 Abang _____ di atas katil setelah kepenatan bekerja seharian.
 - A tertiarap
 - B tersandar
 - C terbaring
 - D terduduk

- 2 Seri Paduka Baginda Yang di-Pertuan Agong ialah _____ tertinggi Angkatan Tentera Malaysia.
 - A pentadbir
 - B pemerintah
 - C pemimpin
 - D penguasa

SULIT

3

02/1

- 3 Ain kagum akan kemahiran pekerja di Restoran Maulana itu _____ roti canai.
- A membuat
 - B menggaul
 - C menebarkan
 - D membentangkan
- 4 Kepetahan pembahas dalam pertandingan debat _____ isu alam sekitar telah menarik perhatian panel hakim.
- A tentang
 - B terhadap
 - C dengan
 - D akan
- 5 Pokok jambu yang ditanam oleh Pak Yazid di kebunnya _____ kerana kekurangan baja.
- A terkecil
 - B terbantut
 - C tersekat
 - D terpendek
- 6 “_____ musuh datang menyerang, kita akan lawan habis-habisan,” kata Sarjan Hasan kepada anak buahnya.
- A Kendatipun
 - B Sementara
 - C Setelah
 - D Tatkala

SULIT

4

02/1

- 7 Ahli arkeologi menemukan fosil haiwan prasejarah _____ di bawah tanah berhampiran gua itu.
- A tertindan
 - B terbenam
 - C tertimbus
 - D tertindih

Soalan 8 – 14

Ayat-ayat yang berikut mungkin betul dan mungkin salah. Jika terdapat kesalahan, kesalahan itu telah ditandakan dengan A, B atau C dan jika tiada kesalahan telah ditandakan dengan D.

Pilih jawapan yang paling sesuai.

- 8 Sifat kemelayuan Amilia begitu menonjol meskipun dibesarkan di luar negara
 A B
 kerana dia dididik dengan nilai ketimur-timuran. Tiada kesalahan.
 C D
- 9 Amran sedang hendak ke bandar ketika kami baru sampai di rumahnya semalam.
 A B C
Tiada kesalahan.
 D
- 10 Kadangkala Puan Salmah membekal anaknya ayam goreng sebagai alas perut di sekolah.
 A B C
Tiada kesalahan.
 D
- 11 Di pusat tuisyen itu Ahmad bukan hendak belajar, tetapi hendak bermain sahaja dengan
 A B C
 kawannya. Tiada kesalahan.
 D
- 12 Tukang jahit itu memperkecilkan ukuran baju Amirul sesuai dengan susuk tubuhnya
 A B
 yang semakin langsing. Tiada kesalahan.
 C D

[Lihat halaman sebelah
 SULIT

SULIT

6

02/1

- 13 Pasukan Hoki Malaysia kembali mengekalkan kedudukan teratas selepas mengalahkan pasukan Pakistan dalam kejohanan hoki pada malam tadi. Tiada kesalahan.
- A B
C D
- 14 Taklimat dalam persidangan Parlimen baru-baru ini berkaitan cara mengekang rasuah. Tiada kesalahan.
- A B C
D

Soalan 15 – 17

Pilih ayat-ayat yang menggunakan perkataan berhuruf condong dengan betul.

- 15
- I *Rantai* basikal adik sudah berkarat kerana terbiar begitu lama di belakang rumah.
 - II Jarak di antara rumah Didi dengan sekolahnya lebih kurang lima *rantai*.
 - III Kelahiran Aina menjadi *rantai* kasih sayang ahli keluarganya.
 - IV Petani itu menyangkut bajunya pada *rantai* pokok.
- A I dan II sahaja
B III dan IV sahaja
C I, II dan III sahaja
D II, III dan IV sahaja
- 16
- I Bajunya menjadi *jernih* selepas direndam dengan serbuk pencuci itu.
 - II Suasana politik yang *jernih* dapat memacu ekonomi sesebuah negara.
 - III Hati yang *jernih* akan terpancar melalui tingkah laku yang bersopan.
 - IV Air tapisan itu bukan sahaja *jernih* malah menyegarkan tekak.
- A I dan II sahaja
B III dan IV sahaja
C I, II dan III sahaja
D II, III dan IV sahaja

SULIT

8

02/1

- 17 I Jika musuh hendak *melagakan* tanah air, rakyat mesti bersatu mempertahankannya.
- II Perangai Maisarah yang suka *melagakan* kawan-kawannya menyebabkan dia dibenci oleh orang ramai.
- III Puan Sofia memarahi anaknya kerana *melagakan* pinggan di atas meja makan sehingga pinggan itu pecah.
- IV Pemuda itu *melagakan* keretanya ke tembok untuk mengelak terlanggar lembu yang melintas jalan.
- A I dan II sahaja
- B III dan IV sahaja
- C I, II dan III sahaja
- D II, III dan IV sahaja

Soalan 18 – 21

Bahagian yang bergaris dalam ayat-ayat yang berikut mungkin mengandungi kesalahan bahasa dan mungkin juga tidak.

Tandakan sama ada A, B atau C jika ayat itu mengandungi kesalahan dan tandakan D jika tiada kesalahan.

- 18 Pegawai Daerah itu sedang berucap di hadapan segelintir orang penduduk kampung yang rata-ratanya terdiri daripada golongan miskin.
- A segelintir penduduk-penduduk kampung
 - B segelintir penduduk kampung
 - C segelintir penduduk kampung-kampung
 - D segelintir orang penduduk kampung
- 19 Aktiviti melukis memang menjadi kegemaran saya sejak daripada zaman kanak-kanak lagi.
- A kegemaran saya sejak dari
 - B kegemaran saya semenjak dari
 - C kegemaran saya sejak
 - D kegemaran saya sejak daripada
- 20 Majalah usahawan melaporkan bahawa fabrik batik pembuatan Malaysia telah diterima di pasaran antarabangsa.
- A fabrik batik buatan Malaysia
 - B fabrik batik dibuat Malaysia
 - C fabrik batik diperbuat Malaysia
 - D fabrik batik pembuatan Malaysia

[Lihat halaman sebelah
SULIT

SULIT

10

02/1

- 21** Atlet dari Kenya sangat pantas berlari menuju ke garisan penamat dalam acara maraton.
- A** sangat lancar berlari
 - B** terlalu gagah berlari
 - C** cergas sekali berlari
 - D** sangat pantas berlari

Soalan 22 – 24

Pilih ayat yang mempunyai maksud yang sama atau yang paling hampir dengan ayat yang dicetak tebal.

22 “Tolong letakkan buku-buku ini di atas almari itu,” kata Cikgu Azhar kepada Ravi.

- A Cikgu Azhar diminta menolong Ravi meletakkan buku-buku itu di atas almarnya.
- B Ravi diminta oleh Cikgu Azhar untuk meletakkan buku-buku itu di atas almari.
- C Cikgu Azhar diminta oleh Ravi untuk menolong meletakkan buku-buku itu di atas almari.
- D Ravi diarahkan oleh Cikgu Azhar untuk menyusun buku-buku itu di atas almari.

23 Raja Hassan menitahkan beberapa orang pembesar meminang Puteri Bunga Bakawali untuk anakanda baginda.

- A Beberapa orang pembesar dititahkan oleh Raja Hassan meminang Puteri Bunga Bakawali untuk anakanda baginda.
- B Beberapa orang pembesar dititahkan oleh Puteri Bunga Bakawali untuk meminang anakanda Raja Hassan.
- C Raja Hassan menitahkan anakanda baginda meminang Puteri Bunga Bakawali untuk beberapa orang pembesar.
- D Raja Hassan menitahkan Puteri Bunga Bakawali meminang anak pembesar untuk anakanda baginda.

- 24 Salah satu objektif penubuhan MERCY adalah untuk menyediakan bantuan perubatan serta-merta kepada mangsa kecemasan akibat bencana alam dan peperangan.
- A Mewujudkan pertolongan ubat-ubatan dan rawatan merupakan salah satu matlamat serta-merta MERCY ditubuhkan.
 - B Bantuan perubatan disediakan oleh MERCY kepada mangsa-mangsa peperangan dan bencana alam secara mendadak.
 - C Menyediakan bantuan perubatan serta-merta kepada mangsa kecemasan akibat bencana dan peperangan ialah salah satu tujuan penubuhan MERCY.
 - D MERCY ditubuhkan adalah untuk menghantar bantuan perubatan secara terus kepada mangsa kecemasan akibat fenomena alam.

Soalan 25 – 27

Pilih ayat-ayat yang betul.

- 25
- I Pembantu rumahnya membawa untuk saya secawan kopi.
 - II Oleh kerana terlalu tamak akan harta Pak Zakuan mudah lupa diri.
 - III Pesta filem yang dianjurkan FINAS baru-baru ini agak hambar.
 - IV Watak antagonis yang berkelubung putih itu berjaya menakutkan penonton.
- A I dan II sahaja
B III dan IV sahaja
C I, II dan III sahaja
D II, III dan IV sahaja
- 26
- I Ibu saya paling pandai sekali menjahit baju kebaya nyonya.
 - II Generasi pasca merdeka disaran supaya banyak membaca bahan ilmiah.
 - III Kami mengekshaskan kawasan lapang ini untuk projek ternakan ikan air tawar.
 - IV Borang kemasukan ke IPTA boleh dimuat turun melalui laman sesawang Kementerian Pengajian Tinggi.
- A I dan II sahaja
B III dan IV sahaja
C I, II dan III sahaja
D II, III dan IV sahaja

SULIT

14

02/1

- 27 I Mereka sangat taksab dan amat berbangga dengan keturunan mereka.
- II Semua pembeli rumah di Taman Bayu kena tipu oleh pemaju perumahan itu.
- III Kerajaan berjaya menangani kemelut ekonomi yang melanda negara dengan cekap.
- IV Klinik 1Malaysia menawarkan perkhidmatan kesihatan kepada masyarakat di seluruh negara.
- A I dan II sahaja
- B III dan IV sahaja
- C I, II dan III sahaja
- D II, III dan IV sahaja

Soalan 28 – 30

Pilih peribahasa atau maksud peribahasa yang paling sesuai.

- 28 Tiada sesiapa pun menyangka Imran yang pendiam dapat mengemukakan idea yang bernas dalam mesyuarat di pejabatnya.

Peribahasa yang sesuai dengan situasi di atas ialah

- A air beriak tanda tak dalam.
- B air tenang jangan disangka tiada buaya.
- C seperti harimau menyembunyikan kuku.
- D seperti tikus membaiki labu.

29

Seni silat Melayu masih lagi dipersembahkan dalam majlis-majlis keramaian sebagai tanda menghargai warisan dan budaya bangsa.

Pernyataan di atas sesuai dengan peribahasa

- A zaman beralih musim bertukar.
- B biar mati anak jangan mati adat.
- C hidup dikandung adat mati dikandung tanah.
- D tidak lapuk dek hujan tidak lekang dek panas.

30 Peribahasa **kaduk naik junjung** bermaksud

- A orang yang hina apabila mendapat pangkat bersikap mengada-mengada.
- B orang yang miskin apabila mendapat kekayaan lupa asal-usulnya.
- C orang yang susah apabila mendapat kemewahan menjadi bongkak.
- D orang yang daif apabila mendapat kesenangan akan mudah lupa diri.

Soalan 31 – 35

Baca petikan cerpen di bawah ini dengan teliti, kemudian jawab soalan-soalan yang berikutnya.

Ana dan semua guru bekerja keras menaikkan prestasi sekolah. Berbagai-bagai usaha yang dilakukan secara sukarela telah berjaya menaikkan nama sekolah tersebut dalam bidang akademik dan kokurikulum sama ada pada peringkat daerah mahupun pada peringkat negeri Pahang. Ana menghabiskan masanya membantu anak-anak didiknya supaya berjaya dalam pelajaran. Bukan sahaja di sekolah, malah rumah guru yang didiaminya juga sering kali menjadi tumpuan murid-murid untuk membuat ulang kaji mereka.

Ana mulai berasa gelisah apabila sudah tiga hari Milah tidak hadir ke sekolah. Apabila ditanya pada kawan-kawannya, Ana diberitahu bahawa Milah demam. Sebaik-baik sahaja selesai aktiviti kokurikulum pada petang itu, Ana menumpang bot salah seorang muridnya ke Kampung Lenjun.

Setibanya di rumah Milah, Ana hampir tidak percaya apabila melihat keadaan Milah yang tidak bermaya dan kelihatan pucat lesi. Namun begitu, Milah masih mampu mengukir senyuman apabila guru kesayangannya datang untuk menziarahinya. Emak Milah memberitahu Ana tentang gusi Milah yang sering berdarah dan kulit lengannya kelihatan lebam.

“Kakak sudah bawa Milah ke hospital?” tanya Ana.

“Belum. Ayah Milah dah cari air penawar, tetapi tak kurang-kurang demamnya. Risau pula kakak dibuatnya!” keluh emak Milah.

Ana berbincang dengan ayah Milah dan akhirnya mereka bersetuju untuk menghantar Milah ke Hospital Daerah, Kuala Lipis. Bagaikan seketul batu besar menghempap kepala Ana apabila Doktor Izah mengesahkan bahawa Milah menghidap penyakit leukemia jenis *limfoblastik* (ALL). Walaupun leukemia dapat dikesan daripada kiraan darah periferi, namun pemeriksaan sumsum tulang mesti dilakukan sebelum penentuan penyakit dibuat.

(Dipetik daripada cerpen *Mencari Nafas Baharu*,
antologi *Harga Sebuah Lukisan*, Tingkatan 3,
Dewan Bahasa dan Pustaka)

31 Siapakah yang bekerja keras untuk menaikkan prestasi sekolah?

- A Ana dan Milah.
- B Semua guru dan Milah.
- C Ana dan semua guru.
- D Semua guru dan ayah Milah.

- 32 Apakah keputusan perbincangan Ana dengan ayah Milah?
- A Mereka bersetuju untuk membawa Milah ke hospital.
 - B Mereka bersetuju untuk menggunakan air penawar.
 - C Mereka bersetuju untuk menjaga Milah di rumah sahaja.
 - D Mereka bersetuju untuk menggunakan dukun kampung.
- 33 Berikut merupakan latar masyarakat yang terdapat dalam petikan cerpen di atas **kecuali**
- A masyarakat yang bekerja sebagai guru.
 - B masyarakat yang bekerja sebagai doktor.
 - C masyarakat yang bersekolah.
 - D masyarakat yang bertani.
- 34 Berdasarkan petikan cerpen, perwatakan Ana yang **paling tepat** ialah
- A sabar.
 - B prihatin.
 - C periang.
 - D pemurah.
- 35 Peleraian cerpen ini ialah
- A Ana menganggap Milah seperti adiknya sendiri.
 - B Ana meneruskan perjuangannya sebagai pendidik di Kampung Chat.
 - C Milah meninggal dunia sebelum sempat menerima sumsum tulang Ana.
 - D Ana mengambil keputusan bertukar ke sekolah di tempat kelahirannya.

Soalan 36 - 40

Baca sajak di bawah dengan teliti, kemudian jawab soalan-soalan yang berikutnya.

DIARI LAMA

Di halaman diari ini aku amati selembat
tulisan
tentang perjuangan – bertitis air mata
mengalir
namun tak sederas darah yang tertumpah.

Di naungan panji yang megah
kutegakkan cinta dan kasih sayang
anak bertuah bumi merdeka
pada semarak ulang tahun
diulit riang bersalut hiba
Dataran Merdeka menyambut suka
gagak perbarisan anak-anak Malaysia
menghayun langkah menongkah persada
riang di naungan nusa, makmur setiap ketika
sampai bila-bila.

SMAHADZIR

(Dipetik daripada antologi *Kasut Kelopak Jantung*,
Tingkatan 1, Dewan Bahasa dan Pustaka)

36

diulit riang bersalut hiba

Baris sajak di atas membawa maksud

- A perasaan gembira dan gelisah.
- B perasaan suka dan sayu.
- C perasaan bangga dan merana.
- D perasaan seronok dan kecewa.

SULIT

19

02/1

- 37 Apakah harapan penyajak ketika sambutan ulang tahun kemerdekaan di Dataran Merdeka?
- A Negara akan terus maju.
 - B Rakyat akan terus bersatu padu.
 - C Negara akan makmur sampai bila-bila.
 - D Rakyat akan sentiasa gembira menyambut kemerdekaan.
- 38 Nada sajak *Diari Lama* ialah
- A sinis.
 - B protes.
 - C romantis.
 - D patriotik.
- 39 Yang berikut merupakan pengajaran yang terdapat dalam sajak **kecuali**
- A kita hendaklah menghargai nikmat kemerdekaan negara.
 - B kita hendaklah bersimpati dengan negara yang bergolak.
 - C kita hendaklah berani melawan semua musuh negara.
 - D kita hendaklah memiliki semangat juang yang tinggi.
- 40 Mesej yang hendak disampaikan oleh penyajak ialah
- A semangat cinta akan negara.
 - B pengorbanan para pejuang bangsa.
 - C perjuangan dalam menuntut kemerdekaan.
 - D tanggungjawab rakyat mengekalkan kemerdekaan negara.

KERTAS SOALAN TAMAT